

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Urkunden und Akten der Stadt Strassburg

Privatrechtliche Urkunden und Rathslisten von 1332 bis 1400

Witte, Hans

Straßburg, 1900

1386 - 1387

[urn:nbn:de:bsz:31-326773](https://nbn-resolving.org/urn:nbn:de:bsz:31-326773)

2270. *Henselin Morat legt vor Meister und Rat Rechenschaft ab in einer Vormundschaftsangelegenheit.* [1386, 1392, 1399 oder 1403.]

Allen den sie kunt, die diesen brief anesehent oder gehörent lesen, das Morat Henselin der tücher kam vúr meister und rat zû Strazburg, do Dietherich Burggraff meister was, und sprach, also Morat Peter sin bruder selige der wöber und Dyne von Wintzenheim selige sine eliche wúrtin dot und verfahren weren, do hettent sie zwey kint gelossen, ein sun genant Hanseman, der wer zû sinen tagen kommen, und ein dohter die hiesse Lene, were noch under iren tagen. der vógt were er und were ir zû vógte gegeben vor meister und rate zû Strazburg. und also er Lenen der dohter vógt were worden, do hette er das erbe und güt, das Morat Peter sin brüder und Dyne sin eliche wúrtin selige noch irem tode gelossen hettent, in zwey teil geteilet und hette ein teil Hanseman sins brüder seligen sun gegeben, geöiget, gezöiget, geteilt und gelossen volgen, was er ime noch der stette zû Strazburg reht und gewonheit geben, öigen, zöigen oder teilen solte, in gegenwertikeit hern Johanses von Schaffhusen cappelan sant Johanses alter zû sant Margareden in dem closter, der kinde vetter und nehester, und ouch anderre erbere lúte, das Hanseman sins brüder seligen sun und ouch Hansemans fründe wol do mitte benügete. und bat meister und rat, das sie darumbe verhören woltent den obgenanten hern Johansen von Schoffhusen und ouch Hanseman selber. das dotent meister und rat und verhörtent hern Johansen und ouch Hanseman. und seite her Johans by sime eyde, das er do by were, do Morat Henselin Hanseman sins brüder seligen sun gabe, öigete, zöigete und teilte, was er ime von sins vatter und mûter seligen erbezals wegen geben, öigen, zöigen, teilen oder volgen solte lossen. so seite es Hanseman sins brüder seligen sun ouch und seite daruff Morat Henselin sin vetter des obgenanten gûtes gentzliche quit und lidig aller der anesprachen, so er dovon môhte haben an denselben Morat Henselin sin vetter. und noch demme das meister und rat zû Strazburg hern Johans von Schoffhusen und ouch Morat Hanseman verhörtent in die wise, also vor geschriben stat, do kommt sie mit rehter urteil vor offnem gerihte überein und hant es ouch erteilt, das Morat Henselin und sine erben von Morat Hanseman sins bruder seligen sun und des erben aller anesprachen und vorderungen, so er von des erbes und gûtes wegen an yn gehaben môhte, gentzliche lidig, unanesprechig und entladen sol sin. und sider wir . . .

Str. St. A. IV lad. 100. Pergamentblatt sorgfältig geschrieben, aber unvollendet.

Rentenkauf. 2271. C. j. e. A. Johannes dictus Schöne Mansze armiger Arg. filius quondam Berhtoldi dicti Mansze Arg. et Adelheidis ejus uxor vendiderunt Johanni dicto Bitsche Hans nuncio consulum Arg. et Adelheidi uxori redditus annuos 5 lib. den. Arg. super redditibus infrascriptis — pro 60 lib., reservata reempcione. (Wit. 3.) specificacio: primo redditus annui perpetui et laudimiales 3½ lib. den. Arg. et 3 caponum, quos Henselinus dictus Lampreht ortulanus Arg. venditoribus persolvere dicitur annuatim de orto, domo et area in der Korböwe prope Arg. juxta ortum dicti zûm Trúbel e. u. e. e. p. a. juxta almandam civitatis Arg.; item redditus 20 unc., quos se venditores habere dicebant super domo et area sitis in c. A. in Brantgasse juxta Lawelinum Crystion^{a)} e. u. e. e. p. a. juxta domum dictam zû Berstein; item redditus 30 sol. super domo et area in c. A. in Probestes gesselin nuncupatis Gösselin Löselins hus juxta Lawelinum de Wintertur civem Arg. e. u. und andersite nehent der probestye hof der meren styft zû Str.; item redditus 1 lib. super domo, area et curia nuncupatis zû dem wilden wip in c. A. an der obern

a) Brantgasse bis Crystion auf Rasur.